

Sanglinz: Cien Bi Cietsouhlaux Cienzswnj Gingq Laux Meijdwz

上林：千年万寿节传承尊老美德



Ciengj bauqva yienhciengz.



Bonjbauq siusik (gicej Veiz Yennaz/韦愿娜) 3 nyied 11 hauh, Sanglinz Yen youq yienh Bwzhil Cin Aicangz Cunh naj Miuheicwngz gawjbanh “2014 Nienz Sanglinz Yen Cietsouhlaux” hozdung, fanh lai boux gak cuz beixnuengx Sanglinz caeuq bouxyouz diegrog angq hoh ngoenzciet. Ngoenzde, youq gyangdoengh naj Miuheicwngz, sing gyong sing laz hap doh gyangdoengh, sing go sing fwen goksagsag, nauhyied dangqmaz. Ngoenzde, miz caeq goeng gouz fuk, Goengsouh sinzyouz, diuq fouxyonglingz, fouxyongdauh, caij bakcax, ciengj bauqva daengj Bouxcuengh minzsuz byaujyenj, miz cuengq bauq, fouxsaeceij, eu fwen, guh vwnzyi byaujyenj nem hawj boux souhlaux soengq fukloeg daengj hozdung.

Cietsouhlaux Sanglinz dwg naeuz, Dangzgauhcuq seiz Lingnamzvuengz, Cwngzcouh cwsij Veiz Gez ciuhvunz cungj guh saehndei, guh hak le, de cau hawj vunzlai, ndaej daengz beksingq gyaez. Doeklaeng Dangzvuengz Vuj Cwzdenh fung de guh “goengsouhlaux”. Vunz daihlaeng Sanglinz vihliux geiqniemh goenglauz hung Veiz Gez, youq moix bi liggaueuq ngeih nyied cib’ it, guh hozdung baiqcaeq goengsouhlaux. Seizneix, “Cietsouhlaux” baenz le aen meijdwz gyoengqvunz gingq laux ndeu.

“Cietsouhlaux” gaengq ndaej lied haeuj swcigih feihvuzciz vwnzva yizcanj mingzloeg.



▲ Gyoengq boux souhlaux hwnjdaiz ciensou gyoengq lingidaui soengq fukloeg.



▲ Bouxyienj diuq foux Yauzcuz 《Go Bouxyiuz》.



► Eu fwen danqhaenh saedceij ndei.

Cauhbingz:

Mbawcaz Caeuxcin Rangfwdfwd

昭平：早春茶叶满山香

3 nyied 15 hauh, Cauhbingz Yen gawjbanh 2014 caeuxcin mbaet mbawcaz yizsi, daengx yienh miz 18 fanh moux gocaz daengz seiz mbaet mbaw lo. Cauhbingz Yen ok mbawcazcin okmingz, dangqna, daengx yienh gungh miz 130 ranz mbawcaz giyez, gujsuenq bineix ndaej sou mbawcaz hawq 8000 dun doxhwnj, ndaej ngaenz 9 ik maenz. (Luz Boh’an)



▲ Gyoengqvunz mbaet mbawcaz nyaengq raixcaix.

Lungzswng:

Dungcuz Beixnuengx Angq Hoh “Ciet Caeqsaz”

龙胜：侗族同胞欢度“祭萨节”



▲ Dabsau Dung-cuz ciengq go diuq foux angq hoh ngoenzciet.

► “Ciet caeqsaz” yienhciengz vunz lai vunz daih.

3 nyied 15 hauh, Lungzswng Gak Cuz Swciyen youq Lozgyangh Yangh Mbanj-baujcwngh gawjbanh angq hoh “ciet caeqsaz” hozdung. Ngoenzde, gyoengq bouxyouz diegrog caeuq 3000 lai boux beixnuengx Dungcuz ciengq go diuq foux, itheij angq hoh ngoenzciet.

“Ciet caeqsaz” dwg aen ciet baiqfug mehmbwk, baiqfug cojcoeng ndeu. Gvaq ciet ngoenzde, gyoengq beixnuengx Dungcuz aeu aen fuengsik daegbied ndeu daeuj caeq mehlaux Dungcuz “Sazsui”. (Veiz Gizyangz)

